


Zuwenkalo san 2014

San 42nan

Boko 509nan

Songo = dorome 35



Tegsara
Mohamed
Waduseni kan

Né 2

Kunnafonisében bota kalo o kalo - BP : 24 - Téléphone : 20 21 21 04 Kibaru bugufiye, Bosola, Bamako

Depitebulon sonna Mali ka san 2014 baarakénafolo bolodalen ma

San 2013 desanburukalo temenen in y'a soró depitesigikalataw bë senna Mali kono. O de koson depite minnu tun bë bulonba kono a waati la, olu ma seka Mali ka san 2014 baarakénafolo bolodalen fesefese.

Nka walassa ka to sariya kono, gôfrenaman ye bënkan do ta desanburukalokono. Obenkan nimoro ye 2013-2014/P-RM ye. A tara san 2013 desanburukalo tile 3, san 2014 baarakénafolo kunkan. O bënkan in de tun bilala depitew ka bolo kan alamisadon zuwenkalo tile 12 san 2014, u k'a fesefese k'u hakilila di a kan.

Nin don in, bulonba kono, a kéra kuma kuntaala jan ye gôfrenaman lafasadepitew ni fanga sinamatow ni n'gon ce. A ma ne fo fanga sinamatow y'u senbo a fesefesi la k'a to gôfrenaman kôkômadondepitew dörön bolo. Olu ye baarakénafolo bolodalen in fesefese. U depite 105 minnu tun b'a kene kan, u bëe sonna a waleyali ma.


Papayisolo siyen songo ka gelen n'a den yere songo ye

Papayi suguya min bë wele papayisolo, o ma ka di dunni na kosebe. Adenyefitiniye, nka ataye diya dan ye. O de koson mögôw bë girin a kan. Gëleya min bë papayisolo la, o y'a siyenko ye; sabula sénékela ka dôgo, min bë se k'a si kolokolo. O de la papayisolo siyen sôròli y'a damanako ye.

Bubakari Sanogo ye jirisiyen silakolokolola ye Bila, Segu mara la. Ale somi janyara papayisolo la. A bë k'a nesin papayisolo siyen silakolokololi ma.

Bubakari Sanogo ka sijelabeyorô fiye ye meterekene 300 ye. A bëe ye papayisolo siyenw dörön ye. Demedonjekulu min bë wele pesedeya (PCDA), o ye papayisolo silakolokolocogo numan kalan ke Bubakari Sanogo kun san 2011. O kera sababu ye a ka yéléma numan don a baarakénafolo la. A yere ye papayisolo ju 100 turu san 2012 kônna na.

Jinan a ye 100 wëre turu ka fara o kan, ka papayiju dafa 200 la. Papayisunw ni n'gon ce man jan kosebe. Kolon kelen b'a fe yen motri b'o ji sama a b'a ka jiriforo són o cogo la. A bë papayisolo siyen minnu silakolokolo, a b'u feere ka wariba



San 2014 baarakénafolo bolodara ka ben sefawai liliyari 1518,116 ma

Mali ka san 2014 baarakénafolo bolodasében in kono, a jirala ko jigi bë wari soróta hake min kan o yelemane ka-ké sefawari miliyari 1518 ani miliyon 116 ye, kasoro bolodaliseben kono, miliyari 1465 ani miliyon 75 tun don. Teme'kera o kan ni miliyari 94,365 ye. O b'a jira ko

kan ni miliyari 84,601 ye. Ob'a jira ko këmesarada la 5,90 bë san 2013 bolodalen kan. Musaka kéra sefawari miliyari 1559ani miliyon 440ye; kasoro bolodaliseben kono, miliyari 1465 ani miliyon 75 tun don. Teme'kera o kan ni miliyari 94,365 ye. O b'a jira ko

këmesarada la 6,44 bë san 2013 bolodalen kan.

Gôfrenaman baarakélaw, siwili ni sorodasiw mume ka kalosaraw san 2014 kono, o bë se sefawari miliyari 244 ani miliyon 712 ma; kasoro o tun ye miliyari 236 ani miliyon 156 ye san 2013 kono.

Kunnafoi na halibi, depitew ni n'gon ce kôròfow kônna na, gëleya do donna baara la. A ninina ni depitejekulu do mögôbë se k'a hakilila fo sèben kônko kan, walima ni wajibi don bëe ka són sèben in kônkok ma ten. Gôfrenaman kôromadonjekulu do y'a jira ko són ka ke sèben in kônkok ma ten; depitebulon n'gomogô fana sonna o hakilila in ma. Kabini o kéra, fanga sinamatow y'u senbo a baara to la. Ubora ka taa n'u yere ye. Mali ka san 2014 baarakénafolo bolodalen sèben fesefesera u ko. Depite 105 to minnu tun bë kene kan olu sonna a ma.

Alayi Lamu
Dokala Yusufu Jara

Nogoya bë ka don Mali ni Efemi (FMI) ce gëleya la

Mali ka Nafoloko ani wariko minisiri Madamu Buware Fili Sisoko taara Wasingitoni Lamerikenjamana faaba la n'o ye Efemi dagayoroba ye, ka kuma n'gonyaw damine, zuwenkalo in cemance la; a ni mögô faamuyalen dôw tun b'o taama in na. Efemi nafoloko bolofara mögôw ye fîne dôw jatemine Mali ka forobanafolo labaaracogo la, ka laban ka dabali tigeta dôw dajira, minnu bë se ka kë a fura ye. O dabali dô ye jamanakuntigi ka pankurun kura sannen in donni ye jamana ka forobasanni sariya kono; n'o ye k'a fara san 2014 in baarakénafolo kan; nka a musaka te bo o la. A dabali tigeta dô fana ye ka jamana ka sègesegelikela bila k'a kône fesefese k'a don, ni sanni in kéra ka bëni jamana ka san baarakénafolo labocogo ye ani sanni dicogo mögô, walima cakeda yamarualen ma. Ni sègesegelikela tilala o fesefeseli in na, o ka jaabi lasecogo sigi bë ke ka bëni o kan kofe. A nininen don Mali fe, a ka dabali dajiralen ninnu bo a sira fe yanni Efemi ka jateminenaw ka se yan. Olu bëna setanburukalo tile 4 ka se a tile 7 ma san 2014.




Moriba Kulubali Dokala Yusufu Jara

Tegé dara Mohamedi Waduseni kan

Kojugubakela Mohamedi Waduseni min tun bolikokuma tun fôra Bamakokura kasobonba la, arabadon zuwenkalo tile 25, kunnafoni sorola ko tegé dara a kan. A ni mogô minnu tun bolila ka bo kaso la, o do ye Adama Konate ye; ale minena Bugunin. Mohamedi Waduseni bolen kô kasobonba in na, n'a bôto ye mugu ci dakolosila lasidan Kôla Sofara la k'o faga, a tun ma bo Bamako dafe folo. A minena so do kono Hamudalayi Aseyi Demili la.

Sumayila Danbelé fana minena. Ale de kera Mohamedi Waduseni ka bolili sababu ye. Ale tun bilala a si kaso yere la.

Mohamedi Waduseni minena cogo di? Segesegeliw y'a jira ko a



Mohamedi Ali Agi Waduseni

terimus (sungurun) Dizana Waleti Faruwa de y'a deme o dabaliw tigeli la. O tun be mobili do kono k'a makon yanni a ka bo ka na ale ka

taa n'a ye Sebeninkoro wila (so) numanba do kono. Mogô were tun b'a kun min fana bolila ka bo kaso la, n'o ye Sumayila Danbelé in ye. Sumayila Danbelé ni Mohamedi Waduseni tun kera terimaw ye k'u to kaso la. U tun kolosilen don yen kosebe; sabula kojugubakela yere yerew don. Dizana Waleti Faruwa min ye Mohamedi sungurun ye, o tun dagalen don so do kono Badalabugu. Finitigw (lakanabaaw) dow tun b'u dogo ka yen jojolima kosebe ka dennin in ka taakasegin bee kolosi. N'a b'a kamalen in wele, a b'a ka ciw fo o ba ye fo Burukina Faso. Ale b'o lase a den Mohamedi Waduseni ma.

Segesegeliw y'a jira ko Mohamedi

Waduseni be Sebeninkoro. Tuma min na Sumayila Danbelé somina ko segesegeliw koson gun bëna k'u la, o y'a dogo ka taa a terike Mohamedi Waduseni ninema. O kelen Dizana Waleti Faruwa ye dabali tige. A y'a kamalen in labo Sebeninkoro ka taa a nemadogo yoro were la Hamudalayi Aseyi Demili la. Nka a tun t'a don ko lakanabaaw be k'a jojolima kabini bi te. Olu y'a dönnakari k'u be so in kono yen, ka sorô ka don k'a mine. Yanni a ka mine, a tun b'a fe ka muruti minenî ma ka boli. A folola ka mugu ci lakanabaaw la; olu koni sera k'a mine; nka a sungurun in fagara.

Adama Jara / Bayi Kulubali
Dokala Yusufu Jara

Bamako kasobonba kasoladen caman ye fiñe k'u yelenso ye

Kasoladenw ye boli min ke ka taa n'u yere ye nténendón zuwenkalo tile 16 san 2014, o ye mogô camandabali ban.

Ninkasoladencamanba in bee sera ka bo ka dan ke cogo di? A sababu folobora Mohamedi Ali Agi Waduseni na. Ale sera ka marifa sorô cogo di kasorô a kolosilen don kosebe? Asera

ka bo a ka kasokono fo ka kasobonba da sorô cogo di ka taa n'a yere ye tilefela yere la?

Yannijaabijelen ka soron nininkali ninnu na, an bëna do fo kasoladen juguba in cogoya la. A togo ye Mohamedi Ali Agi Waduseni. A bangera san 1989 awirilikalo tile 9 kidali. Garadi don, min banna Mali la

ka yelema mogô murutilenw fe. Sorodasiya dönniya caman b'a la. A fa walima a ba, o balimake ye lyadi Agi Agaliye. O min ye Ansaridini sigi senkan. Kojugubakejekulu do y'o ye jamana koronyanfan fe. Mahamedi Agi Ali Waduseni kera mogô lakodonnenba ye o jekulu in na.

Nigeleya ani galabu min b'a la, o y'a kodiya kojugubakejekulu, caman nemogoye. Abu zeyidi fana b'ola. Ale tun ye katiba tariki Ibunu zayidi nemogoye. Nka omogô fila bee fagara korekélé kônona na.

Tubabu fila minnu minena Hônburi san 2011 nowanburukalo tile 24 n'o ye Serizi Lazarewisiyani Filipu Wéridon ye, a sentun b'olu minenî na k'u feere kojugubakejekulu Akimi ma. Filipu Wéridon fatura a minebaaw bolo; nka Serizi Lazarwisi b'u bolo halibi. O kunnafoni were ma don folo. Mogô do deye tubabu fila ninnukofo Mohamedi Agi Ali Waduseni ye k'u be Hônburi

Agelihoku, yerefaasu do ye dankari Minusima sorodasiw la

Kojugubakelaw y'u deliko lamaga Mali koronyanfe tuguni. Arabadon zuwenkalo tile 11 san 2014, nege kanje 15 nan temenêni ni sanga 30 ye, yerefaasu do y'a ka mobili funun ka sin Minusima sorodasikan ma Agelihoku. Minusima y'a jira ko sorodasi 4 fagara, ka 10 yere jogin. O joginnenw na 6 ye Minusima sorodasiw ye, a to ye Mali sorodasiw ye. Mobilibolila in, n'o ye yerefaasu in ye, a ma bo kasaara in na.

Kidali mara kelenbe kojugubakela suguya bee dagayoro ye halibi. Umorolen be cencenmayoro in na kelekeler, wan'uda jolimate ut'a fe k'a bila. Faransi sorodasiw y'u sebekoro bonni minke, uka kelekeminencaman tinena o la, nka o n'a ta bee u be ka dansagonwalew ke. Mali sorodasiw ni Emenela ye kele min ke kidali, o temenêni ma kalo bo folo, u kelen file ka dankari Minusima sorodasiw la Agelihoku. Mogô caman y'a jira ko jahadikelaw sen tun b'o kele in na kidali. Muzawo ni Ansaridini ka darapow (jonjonw) tun be ka felefela a keleke mobili caman sanfe mekalo tile 21 san 2014. O kolosira kosebe kele kônona na.

O siratige la, Mali faamanw b'a nini Minusima sorodasiw sen ka don kojugubakelaw ni jihadikela minnu keleli la. An be waati min na.

O lanini in be ka fesefese dijne tonba Onu na.

Laje balalen min kera Sedeyawo jamanaw nemogow fe a karra Gana faaba la, zuwenkalo daminewaati la, uy'a, nini yelema ka don Minusima ka baara la, kayamaruya dia ma ka Mali deme ka juguw kele. Olaje tun dabora Nizeriya ni Mali demenî dabali tigetaw naniyi sirili la ujuguw kama. Osenfe, peresidan Ibrahîmu Bubakari Keyita n'a jenogonwy'ajira ko baara min don na Minusima bolo, o t'a yamaruya ka kele ke jekulu do fe. Ni yelema ma don o cogoya in na, kojugubakelaw tena se ka silatunun Saheli kungo kono.

Dansagonwale min kelen file nin ye kojugubakela ninnu fe tuguni Agelihoku, o be dankari hadamadenya, ka jamanakuntigw ka kuma folenw sementiya.

A.M Sise Dokala Yusufu Jara

Ansogo, sorodasi do bolila n'u ka mobili kelen ye

Mali sorodasi minnu be ka Ansogo dugu lakana o do bolila n'u ka mobili kelen ye. A y'a yere ke jitala ye ni mobili ye ka tunun. A y'a kunda Menaka kan. Korofela mogô murutilinw ka jekulu min ye emenela ye, olu be yen kabini Mali sorodasiw ni emenela kelela kidali. Nka tuma minna umenâna k'a nemafile n'a ma segin, 4 y'a nofegen. Kunnaфонi were ma don a ko kan folo nka mobili koni sorola. Kidali kele n'a ta bee, Mali sorodasiw ka fara tubabu sorodasiw ni Minusima ta dow kan, olu dagalen don Ansogo. Ajiralak waati ni waati, Emenela mogô bëna mobiliw ni motow la Ansogo k'u munumunu ka segin. S. K Hayidara / Dokala Yusufu Jara

mara kono. A y'a jenogonw wuli ka t'u mine.

San 2011 desanburukalo tile 8, Mali sorodasiw ye Mohamedi Agi Ali Waduseni minen Agelihoku. A n'a jenogon do wun don; nka o y'a sorô a ye tubabu ninnu feere Akimi ma kaban. Kelekemarifa jugu 5 tun b'u bolominnubewelemeteresi; sorodasi komando ka muru caman tun b'u kun; menoti min be don mogô minenew bolo la, o 4 tun b'u kun. Lineti 1 tun b'u kun min be yeli ke sufe; perenbaranin n'o ye gerenadi ye o camantun b'u kun: kunnafonidimin en suguya caman i n'a fo telefoni sateliti ani tolikiwolikiw ka fara gaziw kan, minnu be fiye mogô kan k'a kirin, olu fana tun b'u bolo.

Adonna ko Mohamedi Ali Waduseni ye kojugubakela ye. U nana a don

A to be ne 6nan na

Mini (perenbaranin) ye hadamadenya sabatili baarakela fila faga Tumutu.

Hadamadenya sabatili baaraela fila ninnu ye Nôriwezi jamanadenw ye. Arabadon mekala tile 28 san 2014, u ka mobili yelema mini do donnan kan dugu jukor. O perenna k'u faga, ka mobili tije kojugu. A kera Gundamu masurunna na ni kilometere 45 nogonna ye, Tumutu ni Gundamu ce

sira kan. Nin kunnafoni in lasera hadamadenya sabatili baara kelaw nemogô Dawidi Geresili fe. U mogô fila de tun be mobili in kono; kelen tun ye mobilibolila ye.

Dawidi Geresili ye dugawudon ke banbaato ninnu somogow n'u teriw ani hadamadenya sabatili baarakela to bee ye. Olu minnu be wulikajo la sunitle ka mogô miliyon caman ni lahine Mali kono yan. Mogô minnu fagalen file mini fe, u tun be baara ke Nsirixezi demedonjekulu min togo la, o togo ye dane surun ye «ONG NRC»; dijne tonba bolofara min jesinnen don deme donni ma mogô minnu y'u sigiyorow bila kele ne n'o ye UNHCR ye, o baaraké nogan jekulu do y'ale ye.

Dijne wariko mabenni cakeda Efəmi (FMI) be kunnafoni jɔnjɔn nini Mali fe

Baarabolodalen min be Mali ni dijne wariko mabenni cakeda (FMI) ce, o kunkankumaw laje be sigi kalo woɔrɔ o kalo woɔrɔ. O laje min tun ka kan ka ke Bamako zuwenkalo kono, o bora a dɔgɔ kɔrɔ. Okelen ye Malidenw siran fo ka dama teme. Dijne wariko mabenni cakeda togolamogɔ min be Mali kono, o togo ye Anton Opu de Beke. Kunnafonidilaw sera a ma ka nininkaliw k'ɔ la. Ale ka fo la, sansababaara min bolodalen be Mali ni Efəmi (FMI) ce, o b'a ta san 2013 la ka se 2015 ma. Efəmi nemogojekulu y'o fesefese ka son o ma kabini san 2013 kono. Ko caman dantigelen b'ɔ benkansébein kono nafoloko la. N'o ye nafolo hake an'a suguyawye. Fen min ye nafolo hakèko ye, o kutilennaw dantigera ka jeya sorota, musakata ani wari tokɔ la. A be tali ke Mali ka san baarakenafofolo cogoya la. Fen min fana ye nafolo suguyako ye, goferenaman keli ka yelema numan don a ka nafoloko politiki la o b'ɔla. O ye netaa sabatilisira do ye.

Efəmi ka ciden in y'a jira k'ɔ baara bolodalen min be Mali ni Efəmi ce, sigibɛ k'e ka kuma o taacogo kankalo woɔrɔ o kalo woɔrɔ. Ben mana ke fen minnu kan, Efəmi nemogojekulu de b'ɔ waleyali yamaruya di; n'o ye k'ɔ wari bo ka di Mali ma.

Sigikakuma baara taacogo kan, o ye jenogonya in sinsinyɔrɔba ye, ka dannaya to u ni nogon ce. O de koson musalaha t'obaara in kecogola. Anton Opu de Beke ka fo la, olu ka cidenya konona na, u ni faamaw be kuma Mali ka san baarakenafofolo kunkan. Okun yek'a don, musaka keta minnu kofolen don, n'olu be ka ke cogoya numan na i n'a fo a dantigera cogo min na. Hali a flora ko Mali jigi be wari sorota minnu kan a ka baarakenafofolo bolodalen kono n'o be ka ladon a nema. A kera jamana yere ka sorotaw ye walima deme minnu ka kan ka sorɔ ka bo jamana kɔkan. Jateminebaara in b'a to sorɔni musakaw ka sanga nogon ma ka nafolo to hake don; walima k'a don ni fen te kofe. Nafa min be baara in na, o de ye ka goferenaman bali ka juru jugu ta.

Anton Opu de Beke ka kuma na halibi, goferenaman b'a sinsin Efəmi ka jatemine jaabiwi kan, k'a ka san baarakenafofolo boloda. Waridita hake be don o senfe.

Kalowɔrɔ kofe nogonyew jaabiwi be nafolodila tow kunnafoni ni wariko be sira numan kan Mali bolo. Efəmi ka lajiniye nafoloko bolodacogo numan ye jamanaw fe ani ka forobanafololakana. Aka ca a la lajew ye mariskalo ani setannurukalo ye san kono. Baara bolodalen min be Mali ni Efəmi ce, o laje folo de tun ka

kan ka ke zuwenkalo la; nka a bora a dɔgɔ kɔrɔ. Anton Opu de Beke y'a jira ko Efəmi ye segesegeli do ke Mali kono yan zuwenkalo laje labennikola; nka a laje bora a dɔgɔ kɔrɔ k'a sababu ke Mali ye wariboko fila ke minnu ye musakaw ye, nka u ma bɔ baarakenafofolo la. N'o ye jamanakuntigi ye pankurun min san anisorodasiw ka minisiriso ye minen minnu san. O waleya fila ninnu ye Efəmi siga Mali la. Sabula olu be jamana ka sorɔ ni musaka jatemine a ka baarakenafofolo bolodalen fe. Jamana ka dese be don o kono k'a bolomagen wariko la. Wari ka kan ka bɔ ka don fen o fen na jamana togo la, o b'ee dantigelen don san baarakenafofolo bolodalen kono. O musaka dantigelenwbe sekawaleya; nka min ma dantige a kono man kan ka ke.

Nka Anton Opu de Beke ka fo la, o n'a ta b'ee jenogonyw be son yelema ka don kobolodalenwdo la n'ob'a kunko. Nka hali n'o be ke, sariya be ta o keli la k'ɔ don baarakenafofolo kono, k'a jate yelemani ye. Wajibi don Efəmi ka a baarakənogonjamana ka sorɔ ni musakaw cogoya kɔlosi; nka a sen te min kɔlosili la o ye musaka suguyaw ye. O ye jamana yere kunko ye.

Fen min ye jamanakuntigi ka pankurun kura in ta fan ye. A y'a jira k'a numan ye k'a don san baarakenafofolo seben kono. Fen min fana ye sorodasiw ka minisiriso ka minen sannerw ye, munna o yere te sin k'a makoneminew san, fo k'o sanni don mogoyelike were bolo? Nin musaka kelen ninnu b'ee ye san 3 juruw ye. U be ta baarabaw keli musaka dela. Wari bɔta t'uye yorɔni kelen. Kumakunce la, Mali ye nin waleya fila minke, u ma latemè fanga ka fen santaw sanni sariya kono.

Anton Opu de Beke y'a jira ko sorodasiw ka minisiriso ye minen minnu san, o y'a sinsin sanni sariya sariyasen 8nan de kan k'a ke. O sariyasen in b'a jira ko lakana minisiriso b'a fe ka minen minnu san ni sariya ka kan ka ta u sanni na, n'a t'a fe u kunnafoni ka don, a be sariya fegen k'a ka sanni ke. Sosoli b'ɔ sariyasen in kan an be don min na; sabula minen sannerw fanba ye samaraw, sorodasifiniw, ani tajiw ye. Oludunte gundolafenw ye. Wari hake min donna kelekeminew na o ka dɔgɔ nin sanni in na. Sanni dira sagolamogɔ ma, a ma ke ni faso ka forobasanni weleli ye k'a di mogɔ walima cakeda yamarualen ma.

Anton Opu de Beke ka fo la, o welemadali in de tun ka kan ka ke walasa k'a wariko laje. Sabula b'ee b'a don Mali be dabolomin kan wariko



Anton Opu de Beke :
Dijne wariko mabenni cakeda
tɔgɔlamogɔ min be Mali kono

la sisan.

Musaka fanba nesinnen be sorodasiw ma san baarakenafofolo kono; n'o ye kemesarada la 10 ye baarakenafofolo mume na. O be ben sefawari miliyari 175 ma san 2014 kono. O wari hake in be ben sanfe kalan minisiriso ka san 2014 baarakenafofolo nɔgonna fila ma. A ka ca ni kenyako minisiriso ta fana ye.

K'a damine san 2011 na ka se 2014 in ma, sorodasiw ka minisiriso ka baarakenafofolo be ka bugun ka taa a fe. Kemesarada la 75 farala a hake kan. Minisirinemogɔ dun ka baara bolodalen dantigeto, a y'a jira ko Mali bena wari min sorɔ jamana kono (PIB) o kemesarada la 4 be bila sorodasiw ka bolo kan; n'o ye sefawari miliyari 240 ye. O siratige la, ni musaka min be don sorodasiw kunko dafɛ, o ka kan ka ke welemadali ye o sanni kama walasa ka wariba in lakana.

N'o t'en'iye waleya fila ninnu bɔla, Mali be k'a ni Efəmi ce benkan to

labato. San 2013 kono Mali binna a ka baaraw musakaw la k'a sababu ke sanuko ye. An b'a don k'o geleya in kolɔlɔ be yelen san 2014 taw la. Wusuruko la lajini tun ye kuru 15,1 sɔrɔli ye; nka o yelema ka ke 14,3 ye. An b'adon fana ko goferenaman b'a sel a. A be k'a jilalja walasa a na se ka do fara a ka nafolo sɔrɔta hake kan jamana kono.

Fen min ye Mali ni Efəmi ce kalowɔrɔ kofe laje in keli ye, o sirilen be Mali keli la ka jamanakuntigi ka pankurunko in ni sorodasiw ka minisiriso ka minen sannerw ninnu kunnafoni laje teliya la. Anton Opu de Beke k'a dañen b'a la Mali bena a timinandiya olu fe. Geleya min file mali ni Efəmi ce, o na ban ka teme ni ko werewye ni goferenamanye ko fila ninnu nafoloko laje. A kun ye faso ka nafolo ka topoto konuman. Komana geleya cogo o cogo fura be se ka sorɔ a la. Efəmi ka cidenw ka kan ka se Bamako yan segesegeli were la setanburukalo nata in na, walasa ka o laje laben. Yanni o ce fo geleya b'ee ka furake ka banfolo. Benkan mintara Birikiseli Beliziki faaba la mali demerikola, o wariko segesegebaaw fana ka kan ka na setanburukalo banwaati la. Efəmi mako be Mali ka nin wariko ninnu kunnafoni na walasa a fana ka se k'a ka jatew dakene yanni o don ce. O siratige la dabali caman dajiralen be goferenaman na minnu sirilen be wariko ninnu lajeyali la. Kuma laban na, Efəmi b'a nini Mali fe, a ka sanni sariya sariyasen 8nan, a ka hakilijagabɔ k'a kan walasa nin nogonna fila kana a sorɔ bilen.

Fatumata Mayiga / Dokala Y.Jara

Jamanakuntigi ka pankurunko kuma cayalen be kosebe

Mali jamanakuntigi kɔrɔ Amadu Tumani Ture tile la, pankurun min sorɔla o kuma cayalen be bi kosebe. Hakililajigin na, a te teme kalo fila kan folo, minisirinemogɔ Musa Mara kɛdon k'a ka baara ketaw dantigé depitebulon na, a y'a jira ko seben fosi te Mali bolo, min b'a jira ko pankurun in ye faso ta ye. O siratige la, a ka fola, jamana min b'a yere bonya, o man kan k'o pankurum suguya labaara; sabula k'a be se ka mine a la sanga ni waati b'ee. Kabini nin kuma in flora minisirinemogɔ fe, pankurunko in kuma cayara fan b'ee fe.

Hali arabadon zuwenkalo tile 18 san 2014, fanga sinamatow tun ye seben min laben goferenaman kan, k'a ka walani seme, o kuma senfe, depitebulon na, Direyi depite min ye Alikayidi Mamudu Ture ye, o ye seben do jira k'o ye pankurun in seben ye Mali togo la; a k'o be minisirinemogɔ ka folen nkalontigiya. Musa Mara ka jaabi la, Mali siwilipankurunko cakeda n'o ye «AMAC» ye, o ka seben do b'a jira ko sorodasiw togolapankurun don. Kuma seginna ka bugun tuguni. Mali sanfesorodasiw te se ka pankurun sorɔ k'o sonya jamana kɔkan; ni seben t'o la o te se ka ben.

Ni pankurunko lajeyalen te Mali nemogow te se k'a labaara.

Fanga sinamatone depite towy'a jira kominisirinemogɔ ma tine foni in pankurunko in na; k'a be ka fanga de kɔkɔrɔmadon. olu bolo kuma tine ye min ye, pankurunko te Mali la. Jamanakuntigi ye pankurun kura min san n'a songo jɔnjɔn yere ma fo mogɔ were ye folo, a y'o dabo kɔbake dɔrɔn kama.

Alayi Lamu / Dokala Yusufu Jara

Samiye donna ni coco ye Soninkeji

Anw ka jinan samiye daminecogo be mögö siran; sabula a daminenä ni coco ye. O dun te anw delinanko koro ye. Nka senekela man kan k'a sigi bilen. Yoro be min bolo ka dan, o k'o dan. Misidabatigw fana ka laburuw ke. Kalace to mana ke minnu fana bolo olu k'u bolo teliya o fe. Jinan, samiye damine sorobalen don anw bolo.

Kabini awirilikalo tile 28 ni sanji ye nani damine, sumaya ma ban anw fe yan folo. Mekalo tile 4 san 2014, sanji millimetre 70 soro. Soninkeji barazi la. O ya soro millimetre 10 soro. Mekalo tile 2. Mekalo tile 10 millimetre 1 soro.

A tile 13 ta bennä

millimetre 2 ma. A tile 14 millimetre 3, a tile 17 millimetre 25; tile 18 millimetre 22; a tile 19 millimetre 34. A mumé kera sanji millimetre 170 ye.

O temenen kofe, ne be Elhaji Modibo Kulubali fo Fanafiyekura. Bagansonya nesiranne fe, ale tun be to ka taa si a ka misiwere la. Nin don in na, Elhaji Modibo Kulubali boro a ka were la fajiri masurunna na, a ni negesotigi do kurnibenna. O cogoya, u be nognunben waati na ani o yeli o yoro in na o waati la, o balala a la kosebe. O ma meen, a y'a to ka kulekan men a kofe a ka were la. Binkannikelaw tun fora a k'o ka sunogogazi fiye

a den kan. O tun kulela ka weleli ke yanni u k'o baara in ke.

Mögöw bora dugu kono ka taa u nini. U yelen, binkannikelaw ninnu sinna k'u ka borew dayele ka lakanabaaw ka finiw labo k'olu don ka marifaw ta u bolo, k'u kari-kari ka kisew don u kono, k'u da jo jama na; nka u ma mugu ci mögö la. Jama siranna ka segin sow kono. U koni ye zandaramaw wele. Olu nana u mine ka taa n'u ye; mögö 6 tun don. Nin waleya in kera Fanafiyekura, kati mara la. Elhaji Modibo Kulubali in deye dugu alimaní ye.

Alu Jenfa Jara ka bo Soninkeji, Kati mara la

Sotuba sira ye Bamako sira lakodonnenw do ye



Jatemine na, Sotuba sira be dilan waati min na, o ya soro Bamako jama ma ca ka sisan bo. Ode koson a ma ke siraba ye, jama ba be se ka taakasegin ke min kan lafiya la.

Nka an be don min na i kobi, Sotuba jama cayara kuma te Bamako mume ma. Mali dogotorosoba jolen Yirimajo, babili sabañan jora Sotuba ni Misabugu furance la Bajoliba kunna. O kera sababu ye ka dawulaba di Sotuba sira ma. Sisan sira in be boli kosebe, a jama ka ca. Sira kunbabu dun te. Jibolisira jenama t'a kerew fe.

Nka sira in dogoya n'a ta bee, möbilitigw ni mototigw te bolidönnin. U bee b'ukunfa

Ni faamaw m'a laje ka Sotuba sira laferedönnin, dan t'a kasaara la sisan.

Basiru Fonba, ka bo Jele, Bugukurala komini na Doyila

Laadilikan damado

Ne b'a nini bagantigw fe, u k'u janto baganw na kosebe nin waati kono. Waati fila de ka gelon senekela ni baganmarala ce : Samiye kono na, ani notige waati la. An kan dusu sumu nognon koro o waati la.

Ne b'a nini dutigw fe, bee k'i jo i joyore la, n'o te a be nini ka ke baara ye de. Halli foggog t'a la bilen. Bawo n'i y'a mafie bi ka denmisenniw ka fini donta ye bi k'u faw balolen to du kono, o ye kabako dan ye. Wa n'i taara du daw kono, ka denmisew ye faneni ni baneni na, fo i ja be tige. N'i kuma na min den fe, o b'i kanto ko bidewn don sa! Ni ba daw fana dimina u denw koro, u b'u kanto faliden malima wuluden, lamo be min!

Min yere ka jugu n'a to bee ye. Sisan ni denmisew ye tineni ke du kono, fa yere b'a fo, i ba be na i soro yan, wallima, i be na i ba soro yan, a b'i jakalime kari. Sisan, baw kera dutigw ye du caman kono.

Bakari Danbelé, Sikaso Wayerima 2

Poyi : Tabale ko di ?

Dineyelmadunun kanbara koyi

An kan b'i ma de.

Wuli, wuli k'i jo,

Wuli k'i muguri fasayi.

Bi kene, i ta don faasi

Yeredon ni taasi kene,

Höranya ni danbe kene,

Tine ni dönniya kene.

Kene gansan te koyi,

Faso jama kene don koni.

Tabale lankolon te de.

Dineyelma tabale don,

fasayi.

Don fu te koyi;

Pankapuruti fana te o,

Jango kura de don,

Donsen kura de ko don :

Faso jama kanu.

Tabale in ko di sa?

Tatinedunun bilala a la.

Fasoden juguw silatununi,

Faso jeliminnaw halakili,

Faso kofangaa keleli.

Tabale in ye jen wele?

Denmisen laminen,

Faso kanubaa human,

Kamalen kaarilen,

Tabale b'i ma.

Dunun golobara,

Kamalendunun golobara

Dine yelmadunun gosira,

Jama mugurila.

Jaana tilennen kanbara,

An kan b'i ma, denmisen

kaarilen,

Faso ntulomajiri, n kan b'i

ma.

E min y'i ban fasojama

töjöni ma.

Nkalon, sonyali, hakilisonya

walew kelebagaa,

N kan b'i ma.

E min kalikan ye faso ye,

Kene y'i wele koyi.

Wuli, wuli k'i jo, faso neji

cebaa,

Tabale y'i wele;

Senu geleya be nini ka taa ka foli dan

Geleya min be Senu kono bi, o be sunogö tige dugumögö la. Bamako dafedugu min don, pankurunjiginyoro be yen; nka halibi Senu te dugu dawulama ye. A togo ka bon a yere ye. N'i ye Senu tago men ka se yen i be maloya n'a yecogo ye.

Sira numan te dugu kono, mobilibaw be ka sira bee tigetige, faamaso fosi te Senu min nesinen be sirako ma. Siradilan daminenä Senu kono a san 5 ye jinan ye; nka halibi a ma ban folo. Kurandiyoro fangamaba te Senu min be ka yeelenko sabati dugu kono. Worobine te Senu, a sugufiye fana ka dago kosebe jama na.

N'i ye Senu tago men, ka na a bonyacogo ye, k'a jama ye, ka laban k'a ye k'o jama in lahinefen fosi te dugu kono, i dabali be ban, i jigi be tige. Ni faamaw m'a laje k'u kofile Senu na k'a laben dönnin, geleya digilen be sigidalamögö la kosebe.

Yaya Mariko ka bo Senu Bamako

Samiye

Mineto kuma ni barika

Minetoba ni tilali

Jama ni fileli

Jama ni tulomajo

Biñekala ninina ni biñekala

Biñekala ninina ni jinini

Jama ni fileli

Jama ni tulomajo

Suguneji ni bama

Nanogon ni siran

Dabalibanko

So y'i pan ...

Kelemasa ni lakanani

Jama ni barikada

Lakanabaa ni katafili dögöda

Yeremahöranya ni fama ani

tunun

Paron-paron, piripago

Nanamini, haraba-haraba

A' y'a nenabö joona sanni u

ka bo u yere kala ma.

Daman Kamara Jikorénin-Para, Bamako

Poyi : Waati sera

Waati sera sa.

Malidenw, waati sera.

Ko dö tuma sera.

Jantonyerela waati,

Seginko waati,

Faso jetaa bolodatuma.

An ka sabali k'an miiri

dönnin.

An ka hakili bila dusu ne.

Hakili ni dusu ka kele te fen

juman ye.

Dusu mana se hakili la

mögoya be tige.

Hakili fana mana se dusu la,

Faamuyabali b'a fo k'i ye

mönentan ye.

Waati dö sera.

Bolodijogonma ni yaafa

waati,

Jamana bo juguw ka dingë

kono waati,

Ben ni kotonogontala waati.

Ji bønnen ce man di,

Nka ko dö tuma sera.

Ni kogo pørenna

fønjennamaw be don.

Benbaliso jøgønnä tonbon

te.

Sigikafa ka sinsin jamaha

kono.

Sigikafa ye daamu ye.

Ko dö tuma sesa.

Isa jalo ka bo Kédugu,

Dugabugu komini na Kati

**Kibaru,
kunnaconi
jigine !**

kalankene N°142 nan : Dorogoli (1)

Dorogoli kecogo be bamanankan benkanw n'a sariyaw kono.

Dorogoli ye mun ye?

Dajenw mana fara njogon kan, ka daje kura bange, o be wele dorogoli. Dajen kura min soro la, a be fo ma daje dorogolen. Misali la, n'an ye ji ke boggo la, ka tila ka binw ni misibow ke a la, k'olu dorogo njogon na, an be boggo dorogolen soro. Oboggo dorogolen in ni boggo kufolo in te kelen ye. Fen suguya caman farala njogon kan ka boggo dorogolen soro: boggo, ji, bin ani misibo. Dajenw fana be dorogo o cogo kelen na. Folo, bamananw tun ye kodonnaw ye. Tubabuw naneñ n'uka bolifew ye, togo tun te olu la bamanankan na. Nka bamanan ye dorogoli ke ka togo soro o dwo la: « velo » walima « bicyclette », u y'a fo o ma « Negeso ». U y'a laje k'a fo fen min don, moggo be yelen a kan. Nka yelenkanfen min don, a negelama

don. Ode kosonuy'a wele « Negeso ». Ola, u ye togo fila dorogo, "negé" ani "so", ka togo kura bange, n'o ye "negeso" ye. Tubabuw b'a fo min ma « Avion », n'an b'a fo a ma bamanankanna « Awiyen », ni d'ewko pankurun, o fana togo soro la bamananw fe fo o cogo la ni dorogoli ye. U y'a jatemine k'a fo a ni kurun b'elend, wa a be pan fana. Okoson u y'a wele « Pankurun ». Sisikurun, n'o ye « train » ye, n'an ko a ma « Tren », o fana togo soro la o cogo kelen na.

An b'a faamuya nin yoro la ko togo be se ka da fen bee la bamanankan na ni dorogoli kecogo sariyaw batoli ye. Moggo man kan k'a fo o la ko d'oniya kuraw te se ka lase an ka kanw na.

Ako te taa, ninini nibaara ni musaka minnu k'o ani su ni tile cesiri, an be siranno de je. Dajen kuraw be se ka

dilan ni bonnaw fana ye. An bena kuma o kan kofe.

Bamanankan sebeni sariyaw b'a jira ko:

1 - Togo ni togo be se ka dorogo:

Misaliw: Negé+ so= Negeso

Sisikurun = sisi + kurun

Kalanden = Kalan + den

2 - Togo ni wale be se ka dorogo:

Misaliw: Pankurun = (ka) pan + Kurun

Temesira = (ka) teme + sira

Aladel = Ala + (ka) deli

3 - Togo ni mankutulan be se ka dorogo:

Misaliw

Faraje = Fara + je (mankutulan)

warabilen = wara + bilen (mankutulan)

Nogojugu = Nogo + jugu

(mankutulan)

(A to be be kibaru nataw la)

Mahamadu Konta

Dukene N° 116 nan :

Du be se ka balo konuman nogoya la

Djene ko bee ye feere ye. Djene ko bee ye jatemine ye. K'i janto i yere la, k'i hakili to denbaya la baloko la, bawo an fe yan, moggo be se ka balo konuman, du be se ka balo konuman, kasoro i ma wari caman bo.

Moggo caman hakili la ko tubabudumuniw doren de nafa ka bon farikolo ma, sango waritigwi, o te tine ye. An ka farafin balofen caman be yen, n'i b'u jecci don, i be se k'i wasa don u la, bawo farikolo nafalanw b'u la, n'o ye witaminiw ye.

Farikolo te se ka witamini A dilan a yere ye. O tuma fo i ka dumunifew dun witamini A be minnu na. Farikolo beli a yere la, k'a bonya, k'a sinsin, o te sabati witamini A k'o. O la, an be se k'a fo ko witamini A ye farikolo nafalan ye min b'a ladon, k'a yoro d'ew lakuraya, k'a sinsin.

An fe yan, witamini A be soro senefen minnu na, olu ye jiriden ni nafenw ye: manje, je, karoti, mangoro, nabuluw, i n'a fo juguw, dabuluw, wosobuluw, banankubuluw, nsirabuluw, adw.

Witamini A be ke kogobolo ye farikolo ni banakisew ce. A ka ni ne ma, falaka ni flyen, a be ne tangga olu ma.

Witamini A be soro baganw fana na. Baganw biñew a b'o la kosebe. Kamanmafenw fanw, n'o ye kiliw ye, a b'olu fana na kosebe. Jegé misenniw yere bee ye witamini A ye.

Witamini A dese n'a ntanya ka jugu denyereniw ni denmisenniw ma kosebe, sango noniow, seretew k'ebolitew, adw. A dese be surifiyen bila moggo la, min be se ka na ni flyen ye. A dese be farikolo labila bana suguya caman ye.

O tuma, a ka ni dutigiw k'u hakili to denbaya la, witamini A kana dese dumuniw na. Don o don, moggo ka kan ka witamini A dun. Gatigimusow jyoyroba be denbaya ka kene ya sabatili la, bawo olu de sago be tobiliko la du kono. Dumuni suguya min be tobi du kono, a ka ca a la, olu de sago b'o la, olu de b'o bee jalatige.

Nakosene, jiriforobo, kamanmafenw marali ani baganw marali, olu mana fanga soro, du o du kono, witamini A man kan ka dese o dudenw na.

Karamogo Daramani Tarawele

Mahamadu Konta

Maakorobaro : Kenyea kunnafoniw

Balo be, saya be, kene ya be, bana be. Funankeninsaya be bangebaa tooro. Denmisensaya be bangebaa tooro. Saya caman ni bana caman de be ke denmisenkunda, denmisew yere ma kunnafoni minnu kan u bangebaaw fe. O ye ko bangebaaw te u jyoyro fa banako la denmisew ye. Gasi be jyoyrofabalya la.

Ni bangebaa be denmisew kunnafoni banaw kan, denmisew be tanga bana caman ma. A na banaw don k'u d'onnakari, k'a yere kisi u ma ni feere ye, feere minnu fona a ye bangebaa fe.

Ni denmisew be se k'a yere tanga, k'a yere kisi banaw ma, bangebaa ka soro be jidi. Furasong te bo soro la tuma bee. Gaden do ka ci te sa tuma bee k'o sababu ke denmisew banabaato k'ebili n'a ladonni n'a demedemeni ye ka ta'a furakeyoro la.

Ni denmisew man kene, nenasisi be na du kono, jore be na, timinango ya be na, baarasa be na, soro be seginko. O tuma, walasa ka ninnu bee bali, bangebaa ka kan ka jodaba di denmisew kunnafonini ma, kerengkerenneya la, kunnafonini minnu be tali ke banaw kan.

Bi, bana cayara, bana siyadonbali cayara. Bangebaaw sirannen don ni denmisew ye. U sirannen don bana siyadonbali d'okana denmisew minne. Bangebaaw jigi misenyalendon. Bee miiri la, bana sidonbali do be soro denmisew wolo koro sunogo la. Nka, seba de be bangebaa ye ka bo ni sira ye, sira min b'a tanga hamni ni miiriya juguw ma. Nin waati ye tooro ye bangebaaw ni ma.

Bangebaa be sira min ta, o ye kunnafonidisira ye. A ka kunnafoni di denmisew ma banaw kunkan.

Bi, bana minnu be i ko sogosogoninje, i ko sida ni noni, kanjabana, senfagabana, sugunebilene n'u njogonaw be ka denmisew den-d'en. Ninnu caman ye denmisew caman sata ye. Min ka fisla bangebaaga ma, oye k'a ko tanga ani k'a kisi, ni banaw jefoli ye denmisew ye, k'u kunnafoni.

Kodamado be yen, fo bangebaa ka bo olu dingue kono. A be ke waati d'ew la, bangebaa t'a don a be denmisew kunnafoni cogo min. Bana d'ew de be, hadamaden be malo ni minhuye. N'i ye sida laje, bana don min ye tijeniba ke, k'a sababu ke ko mogow tun be siran a je, nka mogow tun be malo n'a ye fana koyugu.

Fen o fen de ye bana ye n'a sababu be bo cenumusoya la, bangebaa be maloya n'a kuma foli ye denmisew jena. Bi, sida bana be dakun min na diyagoya kera a jefoli ye denmisew ye. Bangebaa ka kan ka bo maloya dingue kono, ka denmisew mine u polo ma, ka bana dogolenw kise da denmisew tege. N'o kera, denmisew be se k'a yere mine, k'a yere tanga, k'a yere kisi, ka mogow werew kisi. Don min, a yere mana ke gatigi ye, a na se k'a hakili to a yere ka denbaya la. O ye sinijesigi baara ye, bangebaa ka kan k'i miiri min na.

Bangebaa ka kan k'i yere bo dingue werew min kono, o ye kunnafonidesse ye. Kunnafonidesse mana ke bangebaa la, a te se ka denmisew kunnafoni bana kunkan. I mana a men k'i be moggo kunnafoni, o k'a soro iyere kunnafonin don. Nikunnafoni te bangebaa yere bolo, a te se ka denmisew kunnafoni.

Nin hukumu kono, bangebaa be taa kunnafoni jini bana kan k'a yere

lafaamuya bana lahalaya la walasa ka se ka do fo denmisew bana kan. Ni bangebaa ma se ka oke, a desera a ka baara la. Belebelé b'a ka bangebaaya je o sira la. Okoro ye k'a desera denbaya lakanani n'a tangali n'a kisili la. Bangebaa man kan ka desera ka se nin yorow ma.

Kunnafoni maloya dingue ni kunnafonidesse dingue ye dingue dunba fila ya. Ni bangebaa ma se k'a yere labo nin dingue kelen-kelen kono, a be denmisew lajigin a yere n'ope, ka gako ni bangebaaya ban. Bawo bangebaa min te se ka denmisew kunnafoni bana kan, bangebaa min te se ka denmisew laadi k'u bilasira bana ni kene ya nasira la, o te bangebaa juman ye. O bangebaaga te se k'a denw lakan, k'u ka kene ya jidi, kene ya min ye ko bee sinsinbere ye, baara, dumuni, tulon, yele, ko bee.

Ni denmisew kera nin jefoli bangebaa bolo, a ni kara de be njogon bolo, a ni kodonbaliya de be taama ka ta a i yere suuru banaw na, a te bana minnu sidon. Bana jugu, bana sidonbali, olu mogominsko numante, n'a ma fiye do bila i la hakiliyanfan walima farikolo yanfan.

Fine fano fan hadamaden ma, hakili fara farikolo kan, a be hadamaden ke mogoto ye. K'ebili la, mogoto man ni a yere ma, a man ni mogow werew ma. A be maloya n'a yere ye, a diminen don a yere koro. A be tow ke jalikitig ye, hal jengoya, ka se juguya nasira werew ma, a b'olu ta ka wolohogon segere, ka siginogon segere, ka bee segere. Ale fe, bee de no ye ale ka fine ye; bee tun ka ke mogoto ye. Tijenii ni nimisa k'o, fosi werew te yen.

Karamogo Daramani Tarawele

Sinafola, lamcogo tun ye mögoya sinsinbere ye

Ne hakili jiginna föl kow la, k'u sanga bi kow ma. Mögokorobaw ye minnu fo nyeani nyere ye minnusidontaamaw senfe, n'ben a dö fo olu la.

Mogo man kan ka kalan, dönni, kuma dönni ani hadamadenya dönni dogo i jamanadenogon na. Dönniw de be fara nogon kan ka kobaw dilan, ka here lase mögaw ma. Ne yere ye sinaf ye. Hali ni n te sinaf ye, n bangera sinafocro la. N be sinafokan men, n bangebaa bee b'a men. O de la, ne te se ka ke döwre ye sinaf ko. Mogo bangera k'i masaw soro sigiyoro min na, u b'o kan fo, k'o sekni ni dökkow labato, i'y o mögoye. Hali n'i y'a soro i masaw walima olu fana masaw bora yoro wære la ka n'u sigi yen; ibangera yoro minna, n'osawura b'i la, i'y o mögoye.

Kabini ne ye ko don fo ka se bi ma, n ye fen caman ye, ka ko caman don. A caman ye kunkorotakow ye.

Forobabaaraw tun be sinafola, minnu nafa tun ka bon kosebe. U tun be sigidalamögow tin don nogon na. Ni ne ye n mögognogon deme, n'a ye kunkorota soro, o ka di ne ye. Sabula ne kera sababu numan ye a ka ko la. Ni sene don, hali n'o suman be don a ka jiginne kono ka ne ta to yen, o ka di ne ye.

Sinafola, san be damine ni denmisew ka tönjenajew ye. N'o ye cemisew ye. Samiyé fe dögökun o dögökun, tile kelen be di denmisew ma u ni npogotigw b'u ka tönici k'e o la, k'u masaw deme. Ben ka di. Mogo be se ka tile 15 ke a ka foro la kasoro a ma noba bo a la. Nka ni mogo 15 soro ka taa a deme tile 1, a be wasa soro kosebe.

Mogo döw be dunun walima bala ta senekelaw nöfe. O be dusu don denmisew kono kosebe. Ube keneba

sene i ma sigi ni min ye. Ni fölifén suguya min ka di i ka senekelaw ye, i b'o wele. N'o te sinafow nenajefen ka ca : dunun, balanin, npolon, olu ye cew ka fölifénwye. Kunanin ni cicaara musow b'olu fo. Nka cew be cicaara ni donkan fana fo.

Ni sinafow be taa forobacibô la don min na, ciburunin be mögoye kelen bolo o b'o fiye. Ob'a jira ko mögoye ka b'oka nogon soro yoro do la ka sira mine ka taa baarakyoro la. O be ke sogoma joona fe sabula daraka be taa di baarakelaw ma foro la. Ni baara damineka soro mögoye min ma se foro la, o be nangi. A be woro bo. Forotigidöw b'a fo k'ale ka soro mandi i ye k'o de y'a to i ma na joona. Ni dalilu jönjön ma soro i meenken na, wajibi ye nangilifén sarali ye.

Nenajew mana ban samiyé donda fe, mögoye b'u nesin sene ma. Forobaaraw be damine ni kalagosi, körrikalatige ani forojiritige ye. Senefen fanba ye kaba, binbiri (keninge), koori, malo, fini, tiga, so, woso, ku, tiganinkurun...

O fen ninnu dannen kofe, mögoye ka sosigi banna. Denmisennin fen o fen si hake b'a ta san 8 na ka se san 15 fo 20 ma, olu be taa foro dannenw kolosi, nkelennirw, wolo an kono werew kana u wogobe. Forow kolosili te dabila fo ka sumanw lase sow kono. N'okera denmisenninwka baara be mögoya. Yoro bee geleya ye kelen ye. Fobonda fe bagantigw b'an töro; sabula o ye fulaw temetuma ye n'u ka bagafw ye Folona mara kono. Tuma bee u be don forow kono ka nininkaliw ke : yala aw tilala hin foro la wa? N'u be se ka don yoro min na an b'o jira u la. Nka, a ka ca a la, ante son; sabula baganw b'an yerebolo. Tuma döw fana na, fulaw b'a k'i n'a fo misiw y'u

kejne ka boli ka don foro döw la k'o tije, walima k'o kalaw dun. O waatiw ye denmisew situma ye forow kono k'u kolosi baganw kana don su fe.

Sinafol tun ye mögoye ladamunenba ye. Nkalontige ani togotijekow keli tun man ca sinafola. Sabula olu ye danbetine ye. Cew ni musow, bee be biri nogon kerefe ka sene ke. Muso be mamine kabini a fitinin. Musomannin ni cemmannin fila bee be baara ke. U bolo be don baara la kabini u san 6 walima 7. O waati fana na, sunguruntige tun be ke; nka a ni sisan ta cogoya te kelen ye; sabula kafonogonya tun t'a la. U be nogon lamkojuman. Tuma döw la ce dako jugu a sungurun na, a b'o den furu.

Togo koni b'a la ko sunguruntige; n'o te lamoni de tun don. Fölo mögokorobaw tun b'u denw lasigi ka ko caman nöfe u ye walasa den k'a don ale ye minye. A ye segen min ke, a ye here min soro, a b'o bee lakali a denwye. Sinafow b'a fo k'o n'i y'dogo idenna, i'b'i yere nöfe jönnin ye? Ode koson sinafola, du kono mögokorobaw be udenwn'umodenwsigika körolenw ani nsiirinw ni nsanaw da u ye sufse ni surufana dunna, yannika denmisew taa ferre la tulonke la. U b'a fo ko bi denmisew ye sini mögokoroba ye. N'i ma fen fo a ye, k'a dege fen na, k'a fana bëna mun fo a denw ye? Ko denmisennin ye bögo kene ye, a ka kan ka mo yanni a ka ja.

Sinafola, ni dunan tun jiginna du kono, denmisennin bee be nisondiya. Sabula u b'a don k'u bëna sogo ni malokini dun. Sinafol ma tulon ke dunanladon na. Ni muso do jiginna walima ni denmisew do sigira nege koro o b'o cogola. Kerenkerennenya la sesogo. Sinafol ka se te soro ka dun ni nin ko damado te.

Waatiw temena ni sanjiko tun gelejara, musokoroba san 60 fokase 80 ma, olu tun be bo dugu kono ka nogon dalaje forosiraw la k'u yere, u denw ani u cew kofo Ala ye. O be ke ni kule suguya do ye sinafokan na. A ka ca Ala fe a tun b'u ka wele jaabi. Furusa tun man ca sinafola. Muso min furu tun mana sa, ce were tun te son k'o muso kelen furu joona bilen. Mogo be nugu a la. Nka ni ce banna muso la, mögoye k'a deli fo u ka dese a la. Ni muso furu sara o la, ce were be se k'a furu hali o dugu kelen kono. Mogo be se ka san tan caman ke sinafola i'ta men ko do y'a muso bila. Furuka gelensinafow bolo kosebe. Ni mögoye o mögoye y'i tugu ka sinafomuso kunnatiye a ce ma k'a furu. Ala ka fara i kan; n'o te hali n'a ce be samiyé bee ke sene na k'a musaka mume don i mako sali dafe a b'o ke. O te musontanya ye. Furubonya anilagos min tara k'a segere sigida la, o mone boli don.

Sinafola ni su kora, cemisew ni npogotigi tun te fan kelen fe. U be se ka u tulon ke kene kelen kan; nka u te tulon ke nogon fe.

Nin waatiw la, no bee tun be susu kolon kono bolo la, tobili be ke bogodagaw kono, nawtunye nsirabulu kene ni jalan, tigana, ntentulunaw situlunaw gankene walima gan jalannaw, tamatinajiw ani sunbala. Mogo donfini bee tun ye dalifini ye. Mun ye bimögoye segen? An be fen caman fe; hali minnu t'an ka sorojoro la. Duman fana duman kan, o bee man ni mögoye ka kene ya n'a danbe ma. Tuma bee la jo nini, kasoro kele man ni. Ne be dugawu ke, Ala ka here ke Mali ye, k'a ke jamana sabatilen ye. Burama Berete ka bo Diyu, Kajolo mara la Sikaso

Bamako kasobonba kasoladen caman ye fiye k'u yelenso ye (to)

Ne 2nan to

kaso la Bamako kura kasobonba la. Fenminye Mohamedi Ali Waduseni bolili ye ka bo o kaso in na, o sababu do y'a kolosicogo ye. A fanincinin walima a benke min ye iyadi Agi Agali ye, a y'a jilaja k'o lasorocogo don; fo o tunye sefawari miliyon 15 bila dogo la ka na o don a bolo kaso la. A sera ka teri caman soro a yere la kasobon in na ani ka kasobon kolosibaa caman kunmayelema n'o wari ye.

Mogo suguya caman tun be taa a laje kaso la; a terimus tun b'o la.

Tuma min na Mohamedi Ali Agi Waduseni y'a ka laben bee sabati a nema bolili kama, a y'a jira ko a ka nejen tijenon don, ko ka dilanbaa wele o la. U ye dilanbaa wele ka lakanabaa do da o kan ka na a ka kaso kono. A y'o lakanabaa in ka

marafa bosi o la o ninenma k'o bagabaga o kana bo. A yere bora ka se fo kasobon da la ka lakanabaa döwre soro yen. O ye muguci a sen kono k'a be a bagabaga k'a mine. A y'o faga n'a bolomarifa ye, ka bo o kera sorobanagami dan bee ye kasobonba in kono. Kasoladen to bee y'a yereni.

Mobilidöjolen tun be kereda la k'a makono. A taara don o kono u ye fiye k'u yelenso ye. Kasoladen 38 bolila o senfe; nka lakanabaa sera k'u tege da 8 kan olu la k'u lasegin kaso la.

Mohamedi Ali Agi Waduseni n'a jenogon koni be ka taa halibi, mögoye muun kunnafoni soro föl.

Bayi Kulubali
Dokala Yusufu Jara

Anw minnu ye Ofisidinizeri senekelaw ye, an be foli lase goferenaman ma k'a sababu ke u ye sefawari döröme 300 min bo segenin songo la. A be fo a ka jamana kanuni na. O temenken kofe, ne be jamadenwladonniya, konijamana kanute, san 20 jiri turulen, o boli man nogo.

Ne be foli lase Ofisidinizeri nemogoba liliyasi Goroma; aye hakilila numan minta ka senekelaw segere, o benna mögoye caman ma. N'o ye pansiyoñko sigili ye sen kan Ofisidinizeri senekelaw kama. Mogo min mana koro ka dese baara la, o ka se ka balo n'a ka pansiyoñ ye. N'o kera a mögokoroba caman tene dulon a den soroobaato do la walima a muso

soroobaato do la, ka k'o ka jone ye.

Osiratige la, ne b'a jini Ofisidinizeri senekelaw fe, u ka u ka nemogoba ka nin hakilila numan in don ba la, kosebe; n'o te do kera senekelaw ka segen jugu la; kuma te ni senekela köröla k'a dese a dahirimé ninini na. Fosi te sinijesigi bo.

N baden senekelaw, do kera sa! An ka sini nesigi, walasa an ka horonya n'an ka laadiriya, an ka se ka sa n'o ye kasoro o ma bin jingintanya fe.

O temenken kofe, ne be dugawu ke, Ala ka samiyé diya, ka basigi don jamana kono. Ka jamana kisi a den juguw mantooro ma.

Ibarahima Baba Jara ka bo Surukutu Km 18 la, Dögöfiri komini na Léon

